



ს ა ქ ა რ თ ვ ე ლ ო
ხარაგაულის მუნიციპალიტეტის მერის
ბ რ ძ ა ნ ე ბ ა



ბრძანება:ბ68. 68251573

თარიღი:06/06/2025

ხარაგაულის მუნიციპალიტეტის მონაწილეობითი ბიუჯეტირების პროგრამის განმხორციელებელი სამუშაო ჯგუფის შექმნის შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის 1-ლი ნაწილის „ე“ პუნქტის „ე.ე“ ქვეპუნქტის, ამავე კანონის 61-ე მუხლის მე-3 ნაწილის „ა“ ქვეპუნქტის, 62-ე მუხლისა და ხარაგაულის მუნიციპალიტეტის საკრებულოს 2024 წლის 03 ივლისის N 16 დადგენილების საფუძველზე

ვ ბ რ ძ ა ნ ე ბ

1. დამტკიცდეს ხარაგაულის მუნიციპალიტეტის მონაწილეობითი ბიუჯეტირების პროექტის ფარგლებში მოსახლეობისაგან შემოსული საპროექტო წინადადებების კრიტერიუმებთან შესაბამისობის ცხრილი (დანართი N1);
2. მუნიციპალიტეტის მონაწილეობითი ბიუჯეტირების პროგრამის ბიუჯეტად 2025 წლისათვის განისაზღვროს **300 000 (სამასი ათასი) ლარი**;
3. მუნიციპალიტეტის მონაწილეობითი ბიუჯეტირების პროგრამის ფარგლებში, საპროექტო წინადადებების განსახორციელებლად საჭირო სავარაუდო თანხის მაქსიმალური ოდენობა 2025 წლისთვის განისაზღვროს 30 000 (ოცდაათი ათასი) ლარით;
4. ხარაგაულის მუნიციპალიტეტის მონაწილეობითი ბიუჯეტირების პროგრამის ფარგლებში 2025 წლისთვის, შესაძლებელია, დაფინანსდეს მინიმუმ ათი საპროექტო წინადადება;
5. 2025 საბიუჯეტო წლისთვის, მონაწილეობითი ბიუჯეტირების პროგრამის ეტაპებისთვის განისაზღვროს შემდეგი ვადები, კერძოდ:
 - ა) მოსამზადებელი ეტაპი - 9 ივნისიდან - 15 ივნისამდე;
 - ბ) საპროექტო წინადადებების მიღების ეტაპი -16 ივნისიდან - 6 ივლისის ჩათვლით;
 - გ) საპროექტო წინადადებების პირველადი გადარჩევა - 7 ივლისიდან - 14

ივლისის; ჩათვლით

დ) კენჭისყრის ეტაპი - 14 ივლისიდან - 1 აგვისტომდე;

ე) გამარჯვებული პროექტის გამოვლენა და პროექტის დამუშავება ბიუჯეტში გათვალისწინების მიზნით - 4 აგვისტოდან - 15 აგვისტოს ჩათვლით;

6. მონაწილეობითი ბიუჯეტირების პროგრამის განსახორციელებლად შეიქმნას სამუშაო ჯგუფი შემდეგი შემადგენლობით:

- ა) მერის პირველი მოადგილე - **ვარლამ ჭიპაშვილი** - ჯგუფის ხელმძღვანელი;
- ბ) მერის მოადგილე - **დავით დევდარიანი** - ჯგუფის წევრი;
- გ) საფინანსო-საბიუჯეტო სამსახურის ხელმძღვანელი - **ვლადიმერ გელაშვილი** - ჯგუფის წევრი;
- დ) საფინანსო-სახაზინო განყოფილების უფროსი - **ნინო მაღლაკელიძე** - ჯგუფის წევრი;
- ე) ინფრასტრუქტურისა და კეთილმოწყობის სამსახურის უფროსი - **პეტრე შარიქაძე** - ჯგუფის წევრი;
- ვ) კულტურის, განათლების, სპორტისა და ახალგაზრდობის სამსახურის ხელმძღვანელი - **ირინე ჩხეიძე** - ჯგუფის წევრი;
- ზ) ადმინისტრაციული სამსახურის იურიდიული განყოფილების უფროსი - **მარინა კვინიკაძე** - ჯგუფის წევრი;
- თ) ეკონომიკისა და ქონების მართვის სამსახურის უფროსი - **ინგა ლურსმანაშვილი** - ჯგუფის წევრი;
- ი) ადმინისტრაციული სამსახურის საზოგადოებასთან ურთიერთობის განყოფილების უფროსი - **ინგა ბერაძე** - ჯგუფის წევრი;
- კ) საფინანსო-საბიუჯეტო სამსახურის, საფინანსო-სახაზინო განყოფილების პირველი კატეგორიის უმცროსი სპეციალისტი - **ეკა დვალიშვილი** - ჯგუფის წევრი;

7. პროგრამის კოორდინატორობა დაევალოს მერის მოადგილეს - **დავით დევდარიანს**;

8. დაევალოს საფინანსო-საბიუჯეტო სამსახურს, გამარჯვებული საპროექტო წინადადება გაითვალისწინოს მუნიციპალიტეტის მიმდინარე ბიუჯეტში;

9. ბრძანების სამუშაო ჯგუფის წევრებისათვის გაცნობის უზრუნველყოფა დაევალოს ხარაგაულის მუნიციპალიტეტის მერიის ადმინისტრაციულ სამსახურის უფროსს;

10. ბრძანება ძალაშია ხელმოწერისთანავე;

11. ბრძანება შეიძლება გასაჩივრდეს საქართველოს კანონის „საქართველოს ზოგადი ადმინისტრაციული კოდექსის“ 180-ე მუხლით დადგენილი წესით, გაცნობიდან ერთი თვის ვადაში ზესტაფონის რაიონულ სასამართლოში (მის: ქ. ზესტაფონი, წერეთლის ქ.N7).

კობა ლურსმანაშვილი

ხარაგაულის მუნიციპალიტეტის მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი

